

RUWÁMI WA'NÁTIKA SUWÁBA REWALÁLA JORÉCHO SI-MA, MA-PU NAPABÚ JÉNA NULÁMI, NÓTZALI NEWAKÁ NÁRILI BATZABÉ, KÍLI NERÁ 'ALÍ GA'LÁ RUYEGÁ RETÉWI O'MÁNA 'AYÉ 'EPERÉAMI, RAÍTZALI ANÍAMI MA-PU RE'GÁ NÍSA R'E 'UCHÉ PE BATZÁMI NÍMA KÍTI RUPÓA 'ALÍ RO'ÁBO JÁWILIAMI RU'KÁ SUWIMÁ JÉNA KAWÍ CHIWÁWA ANELÍACHI.

Suwába rewálatiri ma-pu napabú jéna nulámi, katéwliwa, kíti machibóa, 'enébo ma, je-pu ka ju 'échi retéwi ma-pu 'a sí kipúnali ru'náli ma Náriliami 'omána kawichíchi, kíti kayénipo Nárili batzabé. Kilí nerá 'alí ga'lá ruyegá retéwi o'mána 'ayé 'eperéami, raítzali aníami ma-pu re'gá nísa r'e 'uché pe batzámi níma kíti rupóa 'alí ro'ábo jáwiliami ru'ká suwimá jéna kawí Chiwáwa anelíachi, jónsa anírachí Natúili IEE/CE95/2023, napabúrika yúa taráliami 16 'aminá 20 Nulálíchi Tibúkiliami Retéwi-Rewalíla Chiwáwachi.

Ro'ásiliami 'échi retéwi-rewalíla 'a olábo ma-pu re'gá nakiírami ke jéna nulámi biléana Nulálíchi Electoráli Chiwáwa Kawichíchi; échi retéwi-rewalíla ma-pu notzáripo ju, jorécho ma: rewá, osámi-rewá, bawérala, mukí-rejóí ka, teléjono, rejóala, ja'ami, bujanáliamitiri, ne'okí; rewálatiri ro'árami ke, 'a ni'wala ju retéwi ma-pu si kípúnali-ra'itzánali ma Náriliachi 'Oma'kawichíchi kíti kayénipo Nárili batzabé. Kilí nerá 'alí ga'lá ruyegá retéwi o'mána 'ayé 'eperéami, raítzali aníami ma-pu re'gá nísa r'e 'uché pe batzámi níma kíti rupóa 'alí ro'ábo jáwiliami ru'ká suwimá jéna kawí Chiwáwa anelíachi; 'echi-re'gá ma Nulálíchi Electoráli 'Oma'kawichíchi, siné kaáchi 'a ruméa, ra'icháli, aniwámi 'alí/ma newásati aníikachi échi ma-pu si napawíla, 'a uchúchirami níma Youtúbechi, Facebooki 'alí Twitteri joréana ma, ma-pu ke biléanachi uchúchirachi bujáchi ma Nulálíchi ni'wala. Nelíwami ra'ítzali kírita, olásati, jarécho anífala 'alí/ma newásati ma-pu aníi retéwi notzáripo kíti che pe repabé niílíma 'échi 'anárika natúaliami.

Ro'ásiliami 'échi retéwi-rewalíla 'a olábo ma-pu re'gá nakiírami ke jéna nulámi biléana Nulálíchi Electoráli Chiwáwa Kawichíchi.

Jípe atzé r'u, kíti ko 'échi karewálími ko'ná pásati kámi ma-pu re'gá aníi Nulálíchi Electoráli Chiwáwa Kawichíchi, 'échi retéwi-rewalíla 'a kayá ré kíti seméripo Wachiníachi Electoráli 'Oma'kawichíchi Chiwáwa je re'gá nulása ba, we la ko Wa'lubéalachi Wachiníachi Electoráli Kawí Méxiko, ma-pu kíti 'abói, nulagá olagá, wachináma 'échi go'ná jónsa 'énami; je re'gá ma mo anelíwa siné kaáchi 'a ne'walésiwa kímu rewálatiri nijulárami chapiméa ma jorécho retéwi 'échi re'gá ne'ewalésa notzánilisa ma-pu re'gá aníi jaré nulálíachi.

'Échi retéwi-rewalíla binói ni'wala, we 'oméru ku 'enéa, ga'lá ku newá 'alí ke katúa, 'ayéna cho joreána ka 'énika, bilé oselí ná'ti tánika Nótzami Ga'la-machiwámi kíti nejéama Tániliwami, ma-pu kalí wilí kállechi Ribisioni Nórte #2104, Kol. AltaVista, C. P. 31200, Chiwáwachi go'ná, je-na 'ayéna cho níma chótami kalíwala, 'échi ko ke, Nulálíchi Electoráli Chiwáwa Kawichíchi.

Ma-pu re'gá aníi taráliami 12 'alí 13 Nulálíchi Tibúkiliami Retéwi-Rewalíla Chiwáwachi, suwába machiwámi ni'chíloatiri chapigá 'enáro mekáka jonsa we'la ko mulípita joréanchi bujámi, 'echi yéna cho natéami nirárami níma ma-pu re'gá n'e sikachí chapiká nijísiwa.

Jéna aniwámi w'e ométiru 'enéa ma-pu jónsa bakigá electróniko: <https://www.ieechihuahua.org.mx/aviso-de-privacidad> ma-pu go'ná ke "Avisos de Privacidad". 'Ayéna ma, ruyelíwa ma-pu r'e je-pu na raí'tzali nakulíwitami nísa, 'a ta mo 'ikíripo Nulalíachi uchucháru raí'tzali.

Je re'gá ne'waléami ko Nulalíachi Chiwáwa Ga'lárika Mo'iwami Machirálíka, 'échi go'ná ruyérami níma binói ku'íroli kítira ma-pu aní Nulalíachi Tibúkiliami Retéwi-Rewalíla Chiwáwachi, ra'ítzaga olagá: (01) (614) 201-3300 'alí (01) (614) 201-3301 we'la ko bakigá electrónika www.ichitapt.org.mx